



Khamis – 21 Januari 2021

Halaman : 10

Tiada komputer riba, anak Orang Asli tetap ikuti PdPR

PASIR SALAK: Walaupun tidak mempunyai komputer riba, dua murid Orang Asli di Kampung Redang Punggor, Chenderong Balai di sini tetap mengikuti pembelajaran melalui kaedah pengajaran dan pembelajaran di rumah (PdPR).

Mereka ialah murid tahun empat, Nurallisyazana Abdullah dan murid tahun lima, Nazirul Badrul yang teruja mengikuti hari pertama kaedah PdPR.

Disebabkan capaian internet yang tidak stabil, mereka lebih selesa mengikuti PdPR di luar rumah iaitu di sebuah pondok di depan rumah mereka.

Menurut Nurallisyazana, dia lebih suka mengikuti PdPR di rumah kerana boleh menumpukan sepenuh perhatian tanpa gangguan sesiapa.

“Cuma kadangkala capaian internet di sini tidak begitu stabil menyebabkan pembelajaran sedikit terganggu,” katanya ketika ditemui di sini semalam.

Rakannya, Nazirul pula berkata, dia tidak memiliki komputer riba namun tetap mengikuti PdPR menggunakan telefon



NURALLISYAZANA Abdullah (kiri) dan Nazirul Badrul mengikuti pengajaran dan pembelajaran di rumah (PdPR) menggunakan telefon bimbit di Kampung Redang Punggor, Chenderong Balai, semalam.

bimbit kerana tidak mahu ketinggalan dalam pelajaran.

“Kalau ada pusat internet di kampung ini, mungkin lebih senang untuk kami mengikuti PdPR,” katanya.

Sementara itu, Pengarah

Pendidikan negeri, Dr. Mohd. Suhaimi Mohamed Ali berkata, seramai 361,245 pelajar lagi mengikuti pembelajaran melalui kaedah PdPR manakala sebanyak 1,102 sekolah beroperasi di negeri ini.